



МОНГОЛ УЛС
ГОВЬ-АЛТАЙ АЙМГИЙН
ЗАСАГ ДАРГЫН
ЗАХИРАМЖ

2021 оны 02 сарын 22 өдөр

Дугаар А/66

Алтай хот

Гамшгаас хамгаалах өндөржүүлсэн
бэлэн байдлын хугацааг сунгах тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 29 дүгээр зүйлийн 29.2 дахь хэсэг, Гамшгаас хамгаалах тухай хуулийн 32 дугаар зүйлийн 32.1.1, 32.1.3 дахь заалт, Засгийн газрын 2021 оны 02 дугаар тогтоол, улсын Онцгой комиссын 2021 оны 01 дүгээр албан даалгавар, аймгийн Онцгой комиссын 2021 оны 10 дугаар хурлын шийдвэрийг тус тус үндэслэн ЗАХИРАМЖЛАХ нь:

1. Аймгийн хэмжээнд засаг захиргаа, нутаг дэвсгэрийн нэгж, төрийн болон нутгийн захиргааны байгууллага, иргэн, хуулийн этгээдийг гамшгаас хамгаалах өндөржүүлсэн бэлэн байдлын зэрэгт шилжүүлсэн хугацааг 2021 оны 02 дугаар сарын 22-ны өдрийн 06:00 цагаас 2021 оны 03 дугаар сарын 01-ний өдрийн 06:00 цаг хүртэл сунгасугай.

2. Баянхонгор аймгийн Бууцагаан сум дахь түр пост, Дэлгэр сумд шинжилгээ авах түр цэг, аймаг руу орох, гарах хяналтын цэг, шуурхай штабт үүрэг гүйцэтгэх бүрэлдэхүүнийг томилон ажиллуулахыг Онцгой байдлын газар, Цагдаагийн газар, Эрүүл мэндийн газар, Мэргэжлийн хяналтын газар, Есөнбулаг сумын Засаг даргын Тамгын газарт тус тус даалгасугай.

3. Худалдааны төв болон дэлгүүрүүдэд архи согтууруулах ундааг 10:00-18:00 цагийн хооронд худалдан борлуулахыг, үйлчилгээний газруудад 10:00-22:00 цагийн хооронд 18-аас доош спиртийн агууламж бүхий архи согтууруулах ундаагаар үйлчлэхийг зөвшөөрч, 18-аас дээш спиртийн агууламж бүхий архи согтууруулах ундаагаар үйлчлэхийг хориглосугай.

4. Гамшгаас хамгаалах өндөржүүлсэн бэлэн байдлын үед аймгийн хэмжээнд үйл ажиллагаа явуулж байгаа төрийн байгууллага, аж ахуйн нэгжийн үйл ажиллагааг хэвийн горимд шилжүүлэн халдвар хамгааллын дэглэмийг чанд

2.

сахиулж, үйлдвэр, үйлчилгээний газруудын цагийн хуваарийг мөрдүүлж ажиллахыг Цагдаагийн газар, Мэргэжлийн хяналтын газарт тус тус үүрэг болгосугай.

5.Голомтот бүс нутгаас ирж байгаа иргэд болон ачаа тээврийг бүртгэж, хөдөлгөөнд хяналт тавьж ажиллахыг Онцгой байдлын газар (З.Баттулга)-т, хязгаарлалтын дэглэм зөрчсөн иргэдэд хариуцлага тооцож ажиллахыг Цагдаагийн газар (Н.Эрдэнэ-Очир)-т, гэрийн ажиглалтад байгаа иргэдэд хяналт тавьж, удирдлага зохион байгуулалтаар хангаж ажиллахыг аймгийн Засаг даргын Тамгын газар (Ц.Батзориг), сумдын Засаг дарга нарт тус тус даалгасугай.

6.Өндөржүүлсэн бэлэн байдлын үед холбогдох хууль тогтоомжийг мөрдөж, онцын шаардлагагүй бол гэрээсээ гарахгүй байх, амны хаалт тогтмол зүүх, нэг удаагийн бээлий хэрэглэж хэвших, мэргэжлийн байгууллагуудын зөвлөмжийг дагаж халдвар, хамгааллын дэглэм мөрдөхийг иргэд, аж ахуйн нэгж, байгууллагуудад уриалсугай.

7.Засгийн газрын тогтоол, улсын Онцгой комисс, аймгийн Онцгой комиссын шийдвэрийг ард иргэдэд сурталчилан таниулах, мэдээллээр хангах ажлыг аймгийн Засаг даргын Тамгын газар, Онцгой байдлын газарт тус тус даалгасугай.

8.Дээрх үйл ажиллагаанд шаардагдах 2,355,000 (хоёр сая гурван зуун тавин таван мянган) төгрөгийг хавсралтад заасны дагуу аймгийн Гамшгийн сангаас шийдвэрлэхийг Санхүү, төрийн сангийн хэлтэс (Х.Баатарзориг)-т зөвшөөрсүгэй.


9.Захирамжийн хэрэгжилтэд хяналт тавьж ажиллахыг аймгийн Засаг даргын орлогч (Г.Чинбат)-д даалгасугай.

ЗАСАГ ДАРГА



О.АМГАЛАНБААТАР

Аймгийн Засаг даргын 20~~21~~ оны
~~01~~ дүгээр сарын ~~21~~-ны өдрийн ~~1166~~ дугаар
 захирамжийн хавсралт



ЗАРДЛЫН ТООЦОО

Д/д	Нэр	Зарцуулсан ажил	Хэмжих нэгж	Тоо ширхэг	Нэг бүрийн үнэ	Нийт үнэ
1	Шатахуун	Аймгийн төв дотор гэрийн ажиглалтад байгаа иргэдийг хянах, урьдчилан сэргийлэх шалгалт, төв болон нисэхийн хяналтын цэгүүдэд хоол хүргэх.	литр	42	1850	77,700
		Бууцагаан сум дахь хяналтын цэгийн ээлж солих.	литр	216	1550	334,800
		Бууцагаан сум дахь хяналтын цэгт мотор асаах.	литр	70	1550	108,500
		Нийт шатахууны зардал				
2	Хоол	Өдөрт 3 удаа /16 хүн * 7 хоног/	ширхэг	336	5000	1,680,000
3	Бусад зардал	Түлээний мод	уут	14	6500	91,000
		Нүүрс	кг	420	150	63,000
		Нийт бусад зардал				
Нийт						2,355,000